



CROSSROADS ELEMENTARY
Science + Montessori Programs

PHAB NTAWV TEEV COV LUS QHIA QHOV NTSEEB: PHAB NTAWV TEEV COV HNUB RAU QHOV KEV QHIA NTAWV UAS QHIA TAG XYOO

Crossroads phab ntawv teev cov hnuv rau qhov kev qhia ntawv uas qhia tag xyoo (year-round) yog ib phab ntawv teev cov hnuv rau qhov kev qhia ntawv uas muab lub xyoo kawm ntawv tso kom muaj kev qhia ntawv thaum lub caij ntuj sov thiab kom muaj cov sij hawm so luv nyob thoo plaws hauv lub xyoo coj los pab ua kom muaj cib fim kawm ntawv tsis tu ncua rau cov tub ntxhais. Tiam sis, cov ntaub ntawv qhia hais tias txoj kev qhia ntawv uas qhia tag xyoo ntawm no yeej tsis pab Crossroad cov tub ntxhais kawm ntawv thiab yeej txo tsis tau qhov uas yuav tsis muaj kev qhia ntawv thaum lub caij ntuj sov.

Rau cov tswv yim hais tias yog vim li cas nyob hauv qab no, lub caij ntuj sov ntawm no, **SPPS cov coj yuav hais kom cov txwj laus Board of Education** cia **Crossroads Elementary** pauv mus siv qhov kev qhia ntawv uas qhia zoo li qhov ib txwm muaj (traditional school calendar) pib thaum lub xyoo kawm ntawv 2025-26. Xyoo kawm ntawv 2024-25 uas yuav los no yuav yog xyoo kawm rau Crossroads los mus siv qhov kev qhia ntawv uas qhia tag xyoo (year-round schedule). **Thaum pauv mus siv qhov kev qhia ntawv uas qhia zoo li qhov ib txwm muaj (traditional school calendar), peb yeej tseem yuav muaj cov kev qhia Science thiab Montessori tib si mus ntxiv nyob ntawm Crossroads.**

COV TSWV YIM HAIS TIAS YOG VIM LI CAS PEB THIAJ LI YUAV PAUV MUS SIV QHOV KEV QHIA NTAWV UAS QHIA ZOO LI QHOV IB TXWM MUAJ (TRADITIONAL CALENDAR)

- 1. Cov ntaub ntawv yeej tsis qhia hais tias cov tub ntxhais kawm tau ntaub ntawv zoo dua thaum siv qhov kev qhia ntawv uas qhia tag xyoo (year-round calendar):**
 - a. Cov tub ntxhais kawm tsis tau ntaub ntawv zoo:** Cov ntaub ntawv yeej qhia hais tias Crossroads cov tub ntxhais kawm ntawv, feem ntau, yeej kawm tsis tau ntaub ntawv zoo npaum li lwm cov tsev kawm ntawv nyob hauv lub district nyob rau kev kawm lej thiab kev kawm science, txawm hais tias peb twb npaj muaj cib fim ntau rau lawv kawm.
 - b. Cov tub ntxhais kawm ntawv tsis mus kawm ntawv:** Cov ntaub ntawv qhia hais tias Crossroads cov tub ntxhais kawm ntawv yeej muaj teeb meem rau txoj kev mus kawm ntawv kom tsis txhob muaj kev tu ncua (90% los sis ntau dua) thaum muab piv rau cov tub ntxhais kawm ntawv nyob rau ntawm lwm cov tsev kawm ntawv, uas yog mus kawm ntawv tsawg dua nyob rau hauv cov hli thaum lub caij ntuj sov.
 - c. Muaj tub ntxhais kawm ntawv coob tawm hauv Crossroads thaum lub caij ntuj sov:** Peb tau pom hais tias nws yeej muaj tub ntxhais kawm ntawv tawm hauv Crossroads thaum lub caij ntuj sov thiab lawv yeej tsis rov qab tuaj kawm ntawv hauv Crossroads ntxiv lawm. Peb pom hais tias qhov uas cov tub ntxhais kawm ntawv tsis rov qab tuaj kawm

ntawv hauv Crossroads thaum lub caij nplooj ntoos zeeg yeej muaj coob tshaj li qhov uas lwm cov tsev kawm ntawv nyob hauv lub district muaj.

- 2. Tsis muaj neeg ua hauj lwm coob txaus rau cov sij hawm so:** Thaum Crossroads so, peb yeej npaj muaj kev qhia ntawv ntawv rau cov tub ntxhais kawm qib K-5. Txoj kev qhia ntawv thaum nws yog lub caij so yeej yog ib qhov uas muaj ntau yam teeb meem vim peb tsis muaj tib neeg ua hauj lwm coob txaus thiab vim nws yog ib qhov uas cov neeg ua hauj lwm yuav txiav txim ntawm lawv tus kheej xwb.

Cov neeg ua hauj lwm uas muaj ntawv tso cai nyob ntawm Crossroads yuav tsis kam mus ua hauj lwm rau cov hnuv ntawm no vim hais tias cov hnuv ntawm no twb yog lawv cov hnuv so hauj lwm lawm, thiab SPPS lwm cov neeg ua hauj lwm los yeej tsis khoom tuaj pab vim hais tias lawv siv qhov kev qhia ntawv uas qhia zoo li qhov ib txwm muaj (traditional calendar) thiab nws twb yog lub sij hawm uas lawv yuav tau ua hauj lwm nyob ntawm cov tsev kawm ntawv uas lawv ib txwm ua hauj lwm lawm.

Thaum tsis muaj xib hwb qhia ntawv lawm, nws ntxhais hais tias peb yuav tsis muaj cov kev qhia ntawv thaum lub caij so txaus rau cov tub ntxhais mus kawm. Nyob hauv Lub Kaum Ib Hlis 2023 nkaus xwb, vim peb tsis muaj neeg ua hauj lwm txaus, Crossroads twb tsis kam txais coob tshaj li 100 tus tub ntxhais kawm ntawv uas lawv tau thov mus kawm ntawv rau thaum lub caij so.

- 3. Kev tu ncuu nyob hauv cov kev qhia ntawv thiab cov ntaub ntawv niaj hnuv kawm nyob hauv chav qhia ntawv:** Crossroads qhov kev qhia ntawv tag xyoo (year-round calendar) yog ib qhov uas yuav muaj caij so (6 zaug) ntau tshaj li ob npaug ntawm cov caij so (3 zaug) uas cov tsev kawm ntawv siv qhov kev qhia ntawv uas qhia zoo li qhov ib txwm muaj (traditional calendar) yuav muaj. Txoj kev muaj kev pib thiab kev so ntau npaum li no nyob hauv ib xyoo yuav ua rau cov xib hwb qhia ntawv npaj tsis tau cov kev qhia ntawv thiab cov ntaub ntawv uas niaj hnuv kawm coj los pab tsim kom muaj ib lub chaw muaj kev nyab xeeb thiab muaj kev txais tos zoo rau cov tub ntxhais.
- 4. Cov teeb meem rau txoj kev nrhiav thiab kev muaj kev koom tes nrog lwm cov koom haum los sis lwm cov tsev kawm ntawv:** Vim cov koom haum pab pej xeem yeej muab lawv cov sij hawm khiav hauj lwm tso kom haum rau qhov kev qhia ntawv uas qhia zoo li qhov ib txwm muaj (traditional calendar) uas cov tsev kawm ntawv feem ntau siv, peb yeej muaj teeb meem mus nrhiav tau ib cov koom haum uas yuav npaj tau cov cib fim kawm ntawv ntawv ntawv thiab cov kev qhia ntawv rau Crossroads cov tub ntxhais kawm ntawv.

YOG MUAJ LUS NUG: Tracy Buhl, Crossroads Tus Thawj Tswj Hwm, tracy.buhl@spps.org Tus Xov Tooj Ntawm Chaw Khiav Hauj Lwm: 651-744-6933, Tus Xov Tooj Ntawm Tes: 612-946-0385.

KEV NUG TXOG QHOV KEV QHIA NTAWV: Thov mus teb qhov kev nug luv luv ntawm no: Koj yeej siv tau lub koob yees duab ntawm koj lub xov tooj ntawm tes coj los xoo lub cim QR code ntawm no los sis mus rau ntawm qhov link ntawm no: bit.ly/49DJ6Oy

